



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniversis Archiepiscopis, Episcopis, & aliis Ecclesiarum Praelatis, ad quos
literae istae pervenerint.

urn:nbn:de:hbz:466:1-20006

mē pertimescunt, in diversis Ecclesiis plures sibi archidiaconatus vel alias dignitates usurpant, propter quod Ecclesia debitum defraudantur obsequiis, & ex hoc in eis non leve scandalum generatur. Eapropter, venerabilis in Christo frater, tibi auctoritate præsentium indulgemus, quatenus illos, quos plures archidiaconatus, dignitates, vel personatus in eadem Ecclesia per totam Auxitan. provinciam habere constiterit, si Prælati eorum post tuam commonitionem id exequi negligenter omiserint, data illis optione quem maluerint retinendi, reliquis possis appellatione remota privare, ipsosque, si super hoc contumaces apparuerint, per censuram ecclesiasticam coercere. Datum Laterani Kalend. Aprilis.

Scriptum est autem eidem Archiepiscopo in eundem modum contra eos qui plures abbatias habent.

*VNIVERSIS ARCHIEPISCOPIIS,
Episcopis, & aliis Ecclesiarum Prælatis,
ad quos literæ iste pervenerint.*

Epiſt. 33.

Ne promotionis nostræ primitias Domino negaremus, cui universa opera nostra consecrare tenemur, statim post electionem nostram tam pauperum quam aliorum apud sedem apostolicam existentium petitionibus intendere cœpimus, & eorum negotia promovere; ne si otio tanto tempore vacaremus, corpus & animus ex otiositate torperent. Verum quoniam insolitum fuit hactenus ut sub dimidia Bulla ad tot & tam remotas provincias literæ apostolicæ mitterentur, & ex hoc literæ ipsæ diutiū quam vellemus possent ex alicuius dubitatione suspensi; ut quorum interest parcamus laboribus & expensis, universas literas, que ab electionis nostræ die usque ad solennitatem consecrationis sub Bulla dimidia emanarunt, parem cum illis firmatam obtinere decernimus quæ in Bulla integra diriguntur. Nulli ergo &c. Datum Laterani iij. Nonas Aprilis.

*ARCHIEPISCOPO, PRÆPOSITO
S. Andreæ, & Scholastico S. Petri Colonien.*

Epiſt. 34.
Vt fraudulenta
privataque be-
neficiorum per-
missio relin-
datur.
Cap. Cūm uni-
versorum. De

CVM universorum fidelium ab ipso Domino Iesu Christo pastoralis nobis sit cura commissa, solicitudini nostræ dignoscitur expedire, ut sic debeamus quoilibet in suis rationibus confovere, quod aliorum jura in conspectu Ec-

clesiae dispendium non sustineant, sed firma & illibata debeat permanere. In-

*rerum permu-
tatione.*

telleimus siquidem dilecto filio Gileberto Canonicō S. Iohannis in Leodio referente quod cūm ipse & Lambertus Clericus, ducti quādam animi levitate, de

** In tertia Col-
lect. & apud
Gregor. tandem.*

permutatione præbendarum suarum inter se tractare coepissent, quia utilitatem utriusque imminere credebant, * tamen idem L. Clericus occasione dictæ permutationis, præbenda ejusdem G. quam in Ecclesia sanctæ Mariæ Namurcen. habebat, cuidam suo consanguineo assignata, præbendam S. Bartholomæi, quam sæpediēto G. reprobaverat, nequaquam voluit resignare; & sic idem G. (ut afferit) sua spe remansit omnino frustratus. Cūmque super hoc in præsentia venerabilis fratris nostri Leodien. Episcopi fuisse diutiū litigatum, tandem idem L. sedem apostolicam appellavit; & cūm dictus G. ad nostram præsentiam non sine magno periculo & labore accessisset, idem L. nec venit, nec pro se curavit sufficientem mittere responsalem. Cūm igitur deceptis & non decipientibus jura subveniant, fraus etiam & dolus nemini debeat patrociniū impertiri; licet ipsi per se de jure non possent ecclesiastica beneficia permittare; ut tamen simplicitati venia tribuatur, discretioni vestre per apostolica scripta mandamus quatenus si vobis constiterit prætaxatum G. taliter fuisse deceptum, ab ipsa Namurcen. præbenda, quam diu dicitur possedisse, amoto consanguineo ipsius L. vel quolibet alio illicio detentore, eandem sublato appellationis obstaculo G. faciatis restitui memorato, & eundem ipsius pacifica possessione gaudere. Nullis literis &c. Quod si omnes, tu frater Archiepiscope cum eorum altero &c.

MEDIOLANEN. ARCHIEPISC.

Benevolentiam, quam circa Mediolanen. Ecclesiam & civitatem gerimus, in minori quondam officio constituti in opere demonstravimus, & nostræ intentionis effectum ostendimus in effectu. Nuper etiam divino munere ad summi pontificatus officium evocati, inter ipsa nostræ promotionis exordia volentes Ecclesia Mediolanen. deferre, negotium ejus, quod ex majori parte fuerat immutatum, in debitum statum reduximus: in quo usque adeo vici fuimus ejusdem Ecclesia justitiae providere, ut

Epiſt. 35.
De citatione
Pausagueræ
causidici ad di-
cendam causam
Roma.

F iij